

Sonntagsreg'n

**Sonntagsreg'n – meinetweg'n
dearf's heit schütt'n – i hob nix dageg'n
I schaug di o und denk ma: „I bleib bei dir“
während i mir Butter auf die Brez'n schmier**

**Sonntagsreg'n – die Straß'n leer
Nur a Kind hupft in die Pfütz'n hin und her
Der Kaffeeduft liegt in der Luft – so wia i's mag
an am Sonntagsreg'ntag**

Und zwoa Tropf'n rinnen an der Fensterscheib'n
nach ihr'm ewig langen Flug
aneinand, wo s' ineinand dann hängableib'n
und aus der Ferne hear i des Rausch'n von am Zug

Und i stell ma vor, mia Zwoa sitz'n da drin
Fahr'n nach *Rom*, *Paris*, nach *Hamburg* oder *Wien*
Doch vielleicht is a koa Fernzug in der Näh
Sondern nur die *S-Bahn* raus zum *Ammersee*

**Sonntagsreg'n – meinetweg'n
dearf's heit schütt'n – i hob nix dageg'n
I schaug di o und denk ma: „I bleib bei dir“
während i mir Butter auf die Brez'n schmier**

**Sonntagsreg'n – die Straß'n leer
Nur a Kind hupft in die Pfütz'n hin und her
Der Kaffeeduft liegt in der Luft – so wia i's mag
an am Sonntagsreg'ntag
an am Sonntagsreg'ntag**

Text und Musik:
Michael Bohlmann
08 / 2015